



Inatsisartut

*Aningaasaqarnermut Ataatsimiititaliaq
Finansudvalget*

Ulloq/Dato: 7. september 2009
J.nr.: 01.31.06/09-00426

Aningaasanut Naalakkersuisoq

Aningaasaqarnermut Ataatsimiititaliap suliaq nr. 01.31.06/09-00426 pillugu sisamangornermi ulloq 3. september 2009-mi aalajangiineranik Naalakkersuisunut ilisimatitsineq.

Piginneqatigiilluni inissiatillit peqatigiiffiisa Pingorsuaq 1-imiit 10-mut taarsigassarsitinneqarnissaanut neriorsuutit atugassanngortinneqarnissaat

Naalakkersuisut **inassutigaa**,

- kontomi pingarnermi 89.72.12-imi, Taartissatut sanaartukkanut tunngasumi, suliassamut nr. 060.34.510-mut, Nuummi inissianut 300-nut tunngasumut, aningaasaliissutit 224.302.000 koruuninik amerlineqassasut, aamma
 - suliassamut nr. 996.34.505-imut, 2009-mi taartissatut sanaartukkanut tunngasumut, aningaasaliissutit 26.500.000 koruuninik ikilineqassasut, aamma
 - suliassamut nr. 996.34.506-imut, 2010-mi taartissatut sanaartukkanut tunngasumut, aningaasaliissutit 63.500.000 koruuninik ikilineqassasut, aamma
 - suliassamut nr. 996.34.507-imut, 2011-imi taartissatut sanaartukkanut tunngasumut, aningaasaliissutit 69.500.000 koruuninik ikilineqassasut, aamma
 - suliassamut nr. 996.34.508-mut, 2012-imi taartissatut sanaartukkanut tunngasumut, aningaasaliissutit 64.802.000 koruuninik ikilineqassasut,
- ataatsimut taarsigassarsiarititassat annerpaamik 229.302.000 koruuninut killilerneqarnissaat aalajangerneqassasoq.
- Inissiat inissiatut nammineq pigisatut tunineqassappata, niuernermit akiusumut tunineqarnissaat neqeroorutigineqassasoq, ukuninnga qilersorsimaffilerlugit:
- Inissiat taamaallaat inunnit pisiarineqarsinnaassapput, tassalu suliffeqarfinit pisiarineqarsinnaassanngillat.
- Inuk ataaseq inissiamik ataasiinnarmik pisisinnaassaaq.
- Inissiat taamaallaat inuinnarnut attartortinneqarsinnaassapput, suliffeqarfinnut attartortinneqarsinnaassanatik.
- Inuit piginnittut nikerinnerini pisortanit taarsigassarsiarititassat taarsigassanngortinneqassanngillat.

Aningaasaqarnermut Ataatsimiititaliap oqaaseqaatai

Nuummi Qinnigutsinni inissianik 300-nik sanaartornissap aallartinneqarnissaa siunertaralugu 2009-2012-imi taartitut inissialiassanut aningaasaliissutit atugassanngortinneqarnissaat Naalakkersuisut suliame matumani qinnutigaa. Illorsuit Nuummi Tuapannguani sananeqartut assingi qulit inissiasatut sananeqassasut naatsorsuutigineqarpoq. Illorsuit tamarmik immikkut piginneqatigiilluni inissiatut atuutissapput, taakkunanilu inissiat niuernermit nalinginnaasumik

atugassarititaasut naapertorlugit tuniniarneqassallutik.

Inissiat ilaat illoqarfinnit allanit Nuummut suliarternissaq ilinniarnissarlunniit pissutigalugu nuttarnersitsiniarluni iliuusissat aqutigalugit nuunnissamik qinnuteqartunut neqeroortiginiarneqartut Aningaasaqarnermut Ataatsimiititaliamit soqutigalugu maluginiarneqarpoq. Paasissutissiissutigineqartup tamatuma itisilerneqarnissaa ataatsimiititaliamit qinnutigineqassaaq. Tassunga ilanngullugu inissiat ilaat qanoq amerlatigisut taama atorneqartussatut naatsorsuutigineqarnersut paasissutissiissutigineqassasoq kissaatigineqarpoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**. Apeqqutinut siuliani allassimasunut Naalakkersuisut akissuteqaataat sapinngisamik piaartumik kalaallisut danskisullu kiisalu qarasaasiakkut uunga nassiunneqassasoq qinnutigineqarpoq: nch@inatsisartut.gl.

Aningaasaqarnermut Ataatsimiititaliap sinnerlugu

Akitsinnguaq Olsen
Aningaasaqarnermut Ataatsimiititaliap siulittaasua